

Descriptio.

Statura C. plebeji.

Caput parvum pone antennas impressum villis brevissimis cinereum, mandibulis palpisque nigris. *Oculi* minores oblongi supra attenuati fusi. *Antennae* longitudine corporis aut paullo breviores setaceae, articulis cylindricis aequalibus pilosis, baseos cinereis versus apicem nigris.

Thorax cylindricus ater villis sordide cinereis vestitus, margine anteriore parum producto, posteriore truncato subprominulo.

Scutellum minimum triangulare atrum.

Coleoptera thorace $3\frac{1}{2}$ longiora vix latiora linearia aequalia nec postice attenuata subtiliter marginata convexa nigra glabra opaca, maculis 6 griseo-tomentosis variegata; prima humerali oblonga, 2, 3 et 4 rotundatis quarum 3 ad marginem exteriorem reliquae ad saturam, 5ta semilunari omnium majori infra medium elytri et 6ta ad apicem.

Corpus subtus pilis decumbentibus longioribus cinereum.
Pedes cinerei.

Magnitudo 7 linearum.

26. CALLIDIUM *speciosum*.

Callidium: thorace globoso flavo-fasciato, elytris nigris fasciis maculisque quinque viridi-flavis, secunda majori sursum flexa, antennis pedibusque ferrugineis. *Prod.*

Faun. Ins. Cauc. ined. n. 41.

Locus. In hortis circa Tiflin frequens.

Descriptio.

Caput atrum macula frontali lineolaque collari attenuata flavis. *Labium* et *Mandibulae* atra. *Oculi* magni oblongi fusi. *Palpi* ferruginei. *Antennae* crassiusculae corpore dimidio breviores ex ferrugineo canescentes, articulis obconicis ultimis compressis.

Thorax orbiculatus valde gibbosus ad suturas truncatus, sutura anteriore margine parum prominulis; ceterum laevis tomento compacto decumbente breviore viridi-flavo vestitus, fascia transversali lata utrinque attenuata in medio lineaque tenuiore postice atris.

Scutellum semilunare flavum.

Elytra thorace triplo et ultra longiora basi haud latiora linearia postice parum attenuata convexiuscula marginata fastigiata atra glabra laevia, fasciis maculisque viride-flavis e tomento brevissimo notata: 1. macula rotundata majore baseos, 2. fascia sursum flexa cum opposita in angulum acutum versus scutellum decurrente, 3. fascia transversali recta in medio elytri, 4. macula semilunari aut rotundata paulo infra et tandem 5. obliqua ad apicem.

Alae hyalinae.

Pectus atrum sterno macula flava. *Abdomen* viridi-flavum superne nigro maculatum.

Pedes ferruginei pilis canescensibus sericei.